


PAMFLET

1501



I 709

ARGVMENT

Van een

Tragische-comedie

Prophetique/

Gherepresenteert tweeleden Jaer
in Syria / voor la Bacsa
de Tripoly.

Wt den Griecsche in onse Nederduytsche Tale
ghetrouwelijck overgheset.



Ghedrukt Anno 1608.

1501

78

ALPHABET

CHRONOLOGICAL

TABLE


OF THE

REIGN

OF



OF



Lipſius komende op de Stellagie / alzo qualijck geſtelt ende gheaccontreert / ghelijc als hy ons vertelde dat hier voortijts d'oude Rompenen gheweest zouden hebben: Het dachte hem door ſaute van ſpen aſem / die hem zoo haſtelijck meer dan naer oude ghewoonte quam overballeu / zo dat hy in dupſent vreesen meende verloren te zyn. Dese woorden waren zo grof te verſtaen voor den Spanglaert comme pet d'une vieille qui a mange navcaux, hy vertelde ons dat na ſyn doot: zo vracſamen hem en werde gedraghen al ſachtelijc in eenen ghewoerden bonten tabbart al recht na den Hemel toe. Maer om dat de Spanglaerden daer niet en komen / zo iſt dat hy haer liever ghelſchap inde Helle wilde houden / dan zonder haer lieden in den Hemel te blijben / doch is nu wederom in de werelt ghekomen / zoo pour la preſſe die daer beneden inde Spaenſche quartieren is / als om ſyn boecken der policien bande Maxima van den ſtaet de welcke groote perſonnagien van een Republique ſut wert moeten ſtellen / te vermeerderen / de welcke men zept nieuwelijck in Hollandt ghedruckt te zyn / daer beneffens om te weten waerom de Logementen inde Helle die aldaer (volghende de ordje daer van ghegheben) beſproken voor een groot ghetal Soldaten die aldaer haest komen zouden opgheschoort ofte opghezept zyn / zoo dat de Soetelaers gheen raet met haer proviſien en weten.

De eerste Acte.

Siet zo hy noch ſprack / zo quam daer voort ghetreden Le duc d'Alba met eenen grooten langhen baert / hebbende de ooghen glinſterende ghelijck ſtralen viers / ſyn handen gebonden met groote pſere ketenen / ende drij ſcherprechter achter ſpen rugge / die hem gheweldichlijc den rugge ende ſchouderen verſetten / met eene harde ſcherpe gheeffeling van knoopen ende koozden ſamen ghebonden / zoo dat ſyn gheheel lichaem niet dan een bloet en was / ghelijck eenen purpers kermospen hem trock. Den eenen was den oberleden Coninck van Spangien / den anderen Don Anthonp van Portugael. De derde was de Grave van Egmont: den eenen eſchte ſyn Hollant met de vereenichde Provincien; den anderen ſyn Coninckrijck van Portugael; den derden begheerde revinge ende proteſteerde over d'onrecht dat men hem ſyn hooft hadde afgeſlagen: den armen man en dede niet dan ſuchten en beben / niet een benaude ſtemme begheerde en verſocht moderatie / en oec audientie / om een ſchoone oratie te doen tot ſner deſentie over de zaken die ſp hem zoo

A g ſwaerlijck

swaerlijck eyffchende waren / tot spnen ontschult / ghelijck hy tselfde met een
 harangue zoude doen betupgen / sp riepen lupde en hielden haer eerst qualijc
 te vreden: doch int wt eynde hebben sp hem zulkx gheconsenteert tot zynder
 desentie te plepten / sp zouden haer ter audientij begheben : zo zal ick eerst be-
 ginnen zeyde hy / aen v Mons d'Egmont / ghy die ick eerst midsdaen hebbe.
 Oorsake dat ick v zonder hoest tot de schouderen toe tot Pluto hebbe doen
 swemmen ende ghesonden / dat zelfste is niet gheschiet om tquaer dat zedert
 is ghedaen / maer dat dooz uwen raet ende advijs int Nederlandt is ontsaen
 veel quaets / veel bloets dooz uwe slappicheyt ende faute ghestoet / veel ghe-
 bzant- slicht / verdestruer / ja oock menich ghekomen in groot lijden / ghy zijt
 gheweest het rechte aembeelt daer zoo veel wapenen op ghesmedt zyn / daer
 zo veel Lant en lupden dooz bedorven ende versumpint zyn / een oorsacke vant
 beginnel der trouble int Nederlandt / daer zoo veel schats ende gouts komenbe
 wt Indien om ghespilleert ende gheconsumeert is. Ten anderen wou ick
 oock v vzienden laten weten dat sp haer niet meer op v en behoefden te ver-
 laten / noch te vertronwen / dat de groote hiericheyt ws hoofds wel schierlijc
 ende haest hoest veranderen : Sp zyn tot noch toe dooz mynen raet ghedient
 gheweest : maer v exemple / ende myn advijs beginnen al veel te out te wer-
 den / de voghelen mochten nu wel haest weder komen / à la pippée, en latender
 noch van haer pluymen. So veel v belanght / Mon Messire & grand Prince
 Coninc van Spangien / ick moet v oock segghen dewijle ick noch ter werelt
 leefde ghy bedoocht v zelven dooz een lijste ende grooten Titel Sepng van
 een half vel pampier waer in dat ghedrukt stont de rebellicheyt van v int
 Nederlandt Onderlaten. Sulcx was ende dede v begeerlicheyt en niet myn
 advijs / waer in ick niet en ben te wijten noch oock my met recht daerom
 niet en behoort te purgateren: ick wiste zeer wel en twas alstijt myn gheboe-
 len dat ydele hope was een domination ofte monarchie ober de ghantsche
 werelt / ende dat dooz v Oost ende West-Indien / die v dede dat herre berre
 boven thoost verheffen / ghy meynde Vrancrijc / Engelandt / ende noch meer
 onder v vloghelen te bzengen / ghy en schaemde v alreede niet Zelfs in uwen
 schild ofte wapenen te voeren / ja ghy waert Sz. en Dominateur vant gant-
 sche Landt / maer hadter weynich profijts van : het was immers oorzbaer
 dat u Lieutenantz deden haer exploit ende wtersie beste om v in effect zulk
 een Meester te maken / als ghy met der herten wel meynde te wesen / daer en
 hoven ooc te toonen dat v armē zeer swaer en pesant warē om v Rebellen te
 castijden / also v fondament en v verbolgen gramichap was ghebouwt op
 stuck van Religie / om v Rebellen tot ghehoorzaemheyt van de heplighe
 Roomsche Catholijcke superstitie te bzenghen / zoo als ghy zeydet / ghy die
 waert den Christelijcken Coninck Roy Catholique hoopte noch eens Gas-
 tongien te krijgen onder den zelfsten Titel als ghy Nabarren hebt / ic meynde
 v grooten dienst te doen / als ick wt was om te dwinghen massacrerē ende
 justiceren v Rebellen des Landts Heeren Staten vande Lutherrianen die
 gemeen

ghemeen peupel en volck tot haer trecken/ pder ghebende liberteyt ende bygh-
hept in haere verdwaelde conscientien ende privilegien/ waer door zo groo-
ten berotete en veranderingh int Nederlandt is ontfiaen/ zo heb ick nochtans
alrejt alle middelen ghebruycht als een trouw vassael om tzelvde wt te roepen
en te refozmieren/ hoewel het niet al zo wel ghelucht en is als ick wel hoopte
en meynde/ ben ic daerom zo te verdoemen ende waert gherastijt te werden.
Ten is ooc d'eerste noch de leste reys dat ghy ende v volc ghesailleert hebben
in v entrepryses. Vancrjck en wast niet niet alreede v/ ofte ten minsten aen
uwe Dochter / zoo het niet en hadde mislucht gheweest door Le Duc de
Feria niet sijn Spanglaerden / also datse ten eynde van haer begheerte ende
meyninghe niet en konsten komen. ja oock gheheel Enghelant/ ende Schot-
lant / en zoude die niet gheslaen hebben ter reberentie ende onderdanicheyt
van Madril/ zo v Spansche vloete niet de ruïne ende nederlage ja destructie
en hadde ghehad. Ja noch meer/ de gantsche werelt en zoude die niet onder
uwen scepter hebben moeten buighen/ zoo uwe pdele hope ofte Esperances v
zo dickmael ende menichmael niet bedrogghen en hadden. En is het niet tot
meerder ghetuyghen/ groote eer vooz v gheweest/ dat ic ulwen grooten arm/
ulwen gheweldigheyn sehat ende rijckdom hebbe doen thoonen vooz die gant-
se werelt: Ic hebbe doen blijcken/ dat ghy liever hadt byjmael zo veel gelt
vooz dat kleyn hoercken lants te abontueren ende consumeren/ alsment in
effect ten volle ghehoort zoude hebben: Ja ic toonde dat ghy dat liever dedet/
dan v Gebellen tzelvde te laten in vreden ende ruste/ bedrogghende daer groote
lijp tot uwer verkleening en spijt haren byjen wille ende eyghen begheerte.
En appais vous Sire, myn fantasie zept my/ dat het verlies van alle den ooz-
looch ghekomen is (ghelyc my ter werelt zal helpen ghetuyghen door eenich
goet vernuft ende experentie uwer *C M* soon) door de groote ongestadicheyt
vande Fortupne; hy zeyde my/ par quelque grand felicité, noch meer/ dat de
goede Fortupne veel beter is / als eenen blooten sin ofte pdele meyninghe.
Ten derden/ vooz v myn Heer/ Sire don Anthony, ick bekenne teghen v groo-
telijc gheoffentceert te hebben: oorsake/ dat ic v hebbe berooft van v Coninc-
rijck van Portugael/ dat v eyghen was: Maer sulcx heb ic ghedaen om myn
Meester den Coninc wel te complacieren ende believen/ ende te komen in sijn
goede gracie: Maer ghy en behoort niet te klagghen: Icket niet gheweest de
gheluckichste ure die ghy ter werelt opt ghehad hebt/ want v bluchten ende
verjagghen heeft v doen hopageren / ende ghebrocht daer ghy ghesien hebt
dat schoonste Lant ende perfectste dat onder de Sonne van gheheel Europa
is/ v bluchten en verjagghen heeft v doen ghewaer werden / dat ghy te recht
goede vrienden int Lant hebt/ het hadde anders moghen wesen dat ghy die
v leefdaghien niet ghekent en zout hebben/ hadt ghy in v Lant en Byck ghe-
bleven: Dat bluchten ende verjagen heeft ghedaen dat uwen naem eenwiltch-
lijck zal ghesloten sijn int cabinet van alle machtighe Princen ende Vorsten/
die uwe bede ende uwe klachten ende reden wel ghehoort zullen gheben/

21 ij

ende

ende b eerlijc wt medelijden ontfanghen. Ja dat meer is / wien naem en zal niet ghehaet werden / als de sommighe van andere Coningen ende Vorsten / die tyrannischlijck gheregeert ende gheleest hebben. Son ma / al de werelt spzeckt wt compassie ende medelijden van v / ende niemant en zal v misgennen naer v doot te hebben een Sepulchre ofte Graf also eerlijck / en schoon verciert / als den Coninck van Francrijk uwen goeden vrient / appaisez vous Monf. Don Anthoine.

Le Duc Dalba gheepndicht hebbende syn oratie ofte Parangue / zoo begonnen sy hem weder zonder ghenade te rechargeren met veel grooter slagen als horen / en dzeven hem / den armen Man / haestelijc achter de Tapufterije al zuchende. Dit was het eynde bande eerste Acte: de Musyque volchde daer op / ende songhen Liedkens van veel oude remplies / die in Indien ende in Nederlandt door den Erzhartoch ende Admirant ende andere gheschiedt zijn / ende nu op een nieu bestaen te gheschieden.

De tweede Acte.

Spinola beklaechede ende belchde hem / dat den Koningh van Francrijk meer gelts heeft dan hy doet / daerom zo badt hy de Koning van Spangien dat hy hem favorabel woude wesen : over zuler heeft ghezonden le Ducq de Lerme, om syn zaken te deperheeren / op dat hem syn penningen weder mochten gherebourseert werden ; die hy alreede dus langhe ten achteren ghesien hadde / den goeden Coninck die hem terstont repesenteerde zelfs in persoon / antwoorde aldus : Spinola behoort by wel wat patientij te hebben / aengesien hy veel ghewonnen heeft in d'oorlooghe / want zeyde hy : T's dooz d'oorlooghe dat Godt Spinola heeft willen Favoriseeren bande doot van synen broeder : T's d'oorlooghe dat hem in groote reputatie ende aensien ghebracht heeft : Ja oock wat quaets heeft hy / ofte de synen opt van d'oorlooghe ontfanghen / niet dan alle eer / groote saem / ende renommee. Een al sulcke eer ende reputatien als hy nu heeft ghekreghen / zoude die wel meer zo goede koop ende om zoo kleynen ghelt ghekost konnen werden / en zoude het zeker niet al te veel samen ghewonnen zyn / te hebben de groote saem ende renommee ghelijck hy nu heeft / ende daer en boven noch den grooten rijckdom / foyez content, ten hadde gheweest den goeden raet ende pratique van mijn Jesuwjten / hy waer al oberlanghe / ja op d'eerste trap van syn ere / hy synen broeder gheweest ; dus stelt hem te vreden / wy zullen Spinola betalen handen Juypost op de traffique van Antwerpen / ghelijck ons dat zelfs jaerlijcx ghenoech in byenghen zal / zo wanneer den Daps gesloten zal wesen. Boven dat zo mach hy noch op goede hope leven / want het Gouvernemens van Milanen en zal hem niet licht failteren het zal tot gheleghender tijt dooz hem open staen / ghelijck hy zelfs kan merken / le Comte de Fuentes, begint heel ont te werden / ende is naulijcx meer bequaem te Gouverneren / daer zullen

zullen wy hem dan ten fine wel doen triumpheren midden int herte van dat schoone Milanen: maer zo hy noch meer begheert / zoo zullen wy hem dan favoriseren ende schencken dat schoone Gout-rijcke huys la Maison Dore. Terwyle dat le Ducq de Lerne besich was met Spinolas affairen; Zo begouwen ter ander spde de Indien te ghelooven / dat men haer zoo veel harde slaghen ghegheben hadde / dat hy na de siel witten lichaem moeste scheyden / ende en mochte niet meer zoo grooten last verdraghen als de Spangiaerts ghewoon waren haer op te legghen / ja haren rugghe en mochte niet langer sulck een scherpe gheesselingh wederstaen. Terstont volchde de hzeiben ten ander spden van le Conte de Fuentes die klaechde dat van benaucht heyt ende hzeese spnen ouden baert heel wit ende grys werde / ende dat een wepnich stilte int Nederlant hem wonder dienstlijk zoude wesen in d'affairen van Italien; dat oock Venetia om sp bederf al langh ghenoech hadde wtghe- weest. Den Paps ghemaect zynde tusschen Gomene n Venetien / tusschen Spangien ende Nederlant / zoo zouden hem moghen gherembour seert ende weder wtgherepcht werden de hondert kronen daghelijcx / die hy hadde wt- gherepcht / ende noch daerlijcx moest leveren aen den Ambassadeur van Spangien. Hy ghelooft oock wel ter ander spde / dat de Soldaten als ver- woede Dupbels / in spje van Spinola / niet zonder ghele en zullen willen dienen: den Hertshertoch mach zijn boecken nemen zoo hy wil / om haer te conjureeren / hy zal binden dat het al Catholijcquen zijn ende het krups niet en vzeesen ja veel liever kussen dan daer af verbaert zijn / doen stelt de tweede Acte op / ende de musijcquen begonnen als voren.

De derde Acte.

Le Ducq de Lerne, den Coninck van Spangien met synen Biechtvader / als oock den Hertshertoch / d'Infante ende Richardot quamen al tsamen by malkanderen / om te conseilleeren ende raet te houden / hoe sp best zouden met ppartique handelen inde zaken van Nederlant over hare Rebelle Provintzen: sp delibzeerden tsamen haer te toonen Fausc visages schoone mom-aensich- ten: Om oorsake / dat de Spaensche herwe int Nederlant al te wel bekend is / ende sp op tsiuck van schoone couluren haer te wel verstaen / daerom zeer qualijc te bedzieghen. Hy overwoegen met ghemeynder stemme / men zoude haer nu op een nieu al eerst consenteren al het ghene sp over langhe zelfs ghe- socht hebben / ende presenteren haer liberalijcher al meer dan sp zelfs wel meynen / men pzetteren zoude al is al schoon onse Intention dat wy sulcx in effect niet en meynen / noch haer houden zullen.

Het was een groot plaspier om sien / den Coninck van Spangien vza- ghende aen synen Biechtvader oft het hem wel gheoorloft zoude wesen zon- der spn conscientie te beswaren oft besmetten / de Heretijken ende Ketters in vzedden te laten hoozt varen / ende ruste hebben; ende noch meerder plaspier

om sien/ den Biechthaber/ die daer op antwoorde/ Ja/ dat hy zulcx wel doen
mochte/ ende hem zulcx wel geoorloft was zonder syn conscrietie te besmet-
ten/ de Ketters vrede te gheben ende beloven/ aenghesien het wt een heylighe
nietinghe gheschiet/ om tot ghelegghender tijt zulcke een belofte af te gaen
ende haer onbersiens als dan niet een dubbbele roede castighden/ zulcx is de
heylighe Roomsche Kerck wel gheoorloft/ volghende alle rechten des Con-
ciliums/ om hem over de Ketters te wyken naer verdienst/ zonder zoo veel
schoone beloften te houden. Richardot die den eersten Vos van allen was/
Mons de la Tromperie gaf haer zo veel te verstaen/ dat het niet moghelijk en
was/ met kracht die Rebelle Provintien te veroveren/ ten ware niet een ge-
heynsde verbloemde bedriechlijke vrientschap/ met zulcke conditie/ dat wy
haer alle naer veel samenprijkinghe ende by een komsten zullen consuleren
wat sy op ons verzoeken. Want zeyde hy die Mellicurs zijn van zulke stof-
se datse al veel stercker syn teghent yser als sy wel teghent gont/ hoe hart het
ijset oock is/ men zal haer niet het gont dooghen kunnen verghelen datse
dooz haeren eyghen ende ghewoonlijcken byl niet en zullen kunnen sien/
onsen Coninc spilleert ende dispendeert in d'oorloge meer als d'ijne milloenen
jaerlijcx/ zo verre ghy dese somme gelts onder de principaelste van d' Rebelle
steden implopeerde niet begiftighen ende donnatten/ jaerlijcx enre vint
ghy zoudt bevinden datse haest mirakel zouden doen/ ende datse wel naer onse
sin zouden spelen/ ende de ghemeene opinie tot onsen schoonsen brengen/
ende het volck tot onser onderdanicheit onderrichten/ ja zoo lechlyck als sy
die wel eer van ons afghetrocken hebben ende dat alsachtelich.

Wy zullen haer vooz eerst ten minsten ontnemen den Grave Maurice
dien gordes Herder/ die zo neerstelijck ende ghetrouwelijck syn schapen be-
waert/ grootelijck tot onsen achterdeel. Den Paps gheslachten zijnde/ het
ghemeen peupel zal gheweldich glorieus en superbe werden/ ende leven fris
in ruste/ zonder vaet oft zorghe/ ja weeldich zonder achterdencken/ de Capi-
teynen en zullen nauelijcx meer behouden als den simpelen vops ofte naem/
sy zullen haer oock weynich oeffenen in d'exercitie van d'oorloghe/ ja zullen
vooztaen leven als simpele Bozghers. Zo salmen haer int darp wieghen/
ende alsoen haer zoeken te maken suspect/ niet alle middelen die wy zouden
kunnen of moghen te weech bringen/ wy zullen haer schoone ende heerlijcke
giften beloven/ groote pensions/ gheweldige officien/ eerlijcke en honorables
Raten/ machtighe Gubernementen/ ja dierghelijcke dinghen meer/ dat het
hert zoude moghen beweghen/ want spluden als Capiteynen/ Officieren/
Soldaten/ en in sonderheyt den Adel van t Land/ zullen veel liever beminnen
(ick verzekert v) te leven in schoone/ groote/ machtighe/ ende heerlijcke Pal-
teysen/ als oisg te woonen sachtelijck eenvoudich onder een deel Disschers/
Karemelck-boeren/ ende sachte Kramers/ middelert tijt herghemeyn peupel
zal den smaech vanden Paps inden monde kringhen/ die sy in veertich jaren
niet gheproeft noch gheroken en hebben/ zoo zullen sy in een nieuwe vzeuche
slagen/

slapen/dat zal haer dan niet dan al te veel verhouwen/om tot anderen tijden
 de wapenen tegen v weder wt te trecken oft voeren/ die als dan inde schepde
 wel herdoest zullen syn/ ende de nabuerige Princen zullen dencken wanneer
 men haer om hulpe roept dat se tghene sy eens met ons ghetraecteert hebben
 liever bondich houden / ende in ruste haer landen te regeeren / als teghens v
 gheweldighe macht haer op een nieu gaen stel'en / om weder haer ghelt te
 spilleeren ende consumeren/ haer volck te verliezen/ haer Lant te bederven/
 ende noch meer/sy zullen heel traech zijn om hen teghens v te stellen/ja liever
 inde oude ruste te blijven / als weder op een nieu met v alantie ende accoozt
 te maken / ofte sy zullen vresen aen den Paps alsoan nimmermeer weder te
 konnen gheraken/ zo zeer zullen sy vresen v vrientschap te vzien/ja zullen
 die liever continueren/dan de wapenen teghen v te voeren/ofte haer Lant in
 perijckel te stellen om een anders wil. **Somma/de concluson was/dat den**
Coninck van Spangien behoefde wel hertelich te bidden/dat het zoo verre
 mochte konne dat den Paps(maer voor eerst den Trebes) getroffen werde
 ende een tijt lanch in ruste mocht leven/dewijle het hem oock wel zal moghen
 ghebeuren / insonderheyt dewijle hy tselfde zonder syn conscientie te verdoe
 men wel ter gheleggender tijt mochte vzien : hier begonnen de musyquen
 weder naer ghewoonte.

De vierde Acte.

Le Messieurs de Hollande, als vande gheuniceerde Provintien / quamen te
 samen by malkanderē au Conseil, om te conseillieren ende weten/ wat sy den
 aenstaenden Sommer aenrechten ende beghinnen zouden / ende ontfanghen
 vast by provisie het gelt aen haer ghesonden vanden Coninc van Brantije/
 zonder hem nochtans te segghen of laten weten voor die tijdt/dat men haer
 van Paps/Trebes ende accoozt aenspreec : want sy luyden zijn die alles met
 renen rijpen voorzichtigheyn raet int werck willen stellen/ want haer quam
 te voren ende men dede haer verstaen / dat den Coninck van Spangien met
 d'Aerts hertoch ghesint waren om eenen bondighen Paps ende vrede met
 haer ende met haren Landen ende Provintien te maken/ ende alle de sware
 oorloghe tot eenen goeden fine/accoozt ende moderatie te brengen; zo wert
 dan versocht van des Spangiaerts weghen/ voor eerst renen Trebes/ ghe
 duerende den tijt van 8 maenden/om middeler tijt voor der t'acordeeren/ dit
 alles wist eenen devotighen gheestelijcke Water wonder haer te vertellen/
 ende haer met goeder devotie voor ooghen te legghen / om tselfde int werck
 te brengen/ wt medelijden welc hy zeyde hem tot zulcx betweecht hadde/op
 dat daer niet meer onnoosel bloedts ghestort en mochte werden : hy toonde
 haer voor den eersten terstont eenen grooten Titel; te weten/ Messieurs, Re
 publicque, Vrije Landen, ende Staten, Franc Gouvernement daer niemant op
 te pretendeeren en hadde , ende dit al tsamen in pamphlet ofte in schoone
 woorden

Wien ja het was / begeett slechts mach sal het v al consenteren, ende noch
meer. Zinnets / ten lesten / de Messieurs nemen haer beract, om den Coninc
daer op t'adviseeren / maar een weynich daer na / sy gaben malckanderen in
conseil te verstaen / ende pepnsden op zo schoons belofte als haer ghepresen-
teert was / dat haer mach niet alleen aen haer zelve en bestont / maer oock
aen haer nabuerighe Coninghen ende Vorsten / als Dancrick, Enghelant /
ende dierghelijche meer; die onse questie oock wel verstaen / dat sy oec zonder
haer advies niets en begheerden in zulx te consenteren / vertrouwende dat
sy sulden haer oock wel ten besten raden / oec wel konnen t'allen tijden vooz
haestighe rempeest der Spangiaerden beschermen / want sy zullen wel over-
wighen / dat zo het ons Landen qualijc gaet / dat het tharent gheen Kermiss
en zal wesen / wy overbullen zijnde zoude sy den sachs alle daerh op den hals
hebben / en niet al ten besten tot haren voozdeel vergaen; dus ist goet dat wy
ons onder haren raet vererouwen / tot meerder vasticheit ghetuyghen van
tghene daer ghesloten ende gheaccoordeert zal werden / wy en hebben maer
einen kleynen hoek Lands / ende de minste schade ende overrompelingh
die ons gheschiedde / zouden wy terstont int binnenste van herte ghetwaer
werden; oock wat wy als dan in tijden van noodt zouden konnen te weerh
byenghen / den Spangiaert zoude te machtrich werden, ende dagelijc zo veel
ververffchingh van volck ende gelt vinden tot haren believen; als oec mid-
delertijt synen asem dooz Indien ende ander plaatsen verhaelt hebben / dat
wy in dupsent perijckelen zouden wesen / ende niet weten wat doen / zonder
hulpe van onse nabuerighe Princen ende Vorsten: voozder aenghesien men
ons alreede presenteert tghene daer wy nu veertich jaren om gheoorlooght
ende ghevochten hebben / ende onse liberte ende vrijhepdt / daer wy eerst de
wapenen om in handen hebben ghemomen / wat schoonder occasie mochte
ons opt syn leven beter ghepresenteert werden / ende ons nutter en bequamer
zijn als vrijhepdt van ons Waderlant / epghen volck / vrie Republiques / ende
voozt al het ghene wy noch meer begieren / ghelijc sy ons zelfs ghetuygen /
ghekent / ghepresenteert / ende ghenomu hebben. Somnia / sy vraschden ter-
stont advies aen syn Princelijcke Excellencie Graef Mauritsius / die zeker
niet al te wel te byeden en was niet dat woordken van Days ofte Trebs /
ghelijc men haer presenteerde / bekende al te wel de wyetheyt / schalckheyt /
Tirannte ende vriendelijc troetelen der Spangiaerden ende haer der Inqui-
sitt / nochtans beintende sy zeer ende veel liever la tranquillite ende vrijhepdt
des Waderlants / zoo verre het wt een onghewensde meyningh gheschiedde /
als alijt te blijven in bloedighe oorloge / remarquerende d'onghestadicheyt
der gonstigher Fortupne / daerenboven d'ondanchaerheyt van vele / bevreest
zijnde vooz les seditions populaires, die menschmael ten eynde dooz onber-
stant niemant quaet en wenschen ende oock doen / dan den ghenen daer sy /
ende waer dooz sy de meeste deucht / welbaren / ende voozspoet tijtelijck ont-
fanghen hebben. Somnia / tot een absolute was elck een vooz al ghewaer-
schous


schout te zijn/ende wel toe te sien om niet bedrogghen te werden/ende tot ghe-
legghender tijt dese zaken tot een goet effect te brengen/ daghelijcx malkan-
der ten besten adviserende.

De vijffte Acte.

Een tijt lanc verloopen zijnde / na dat men met malkander bzeet ende wijt
gheconfeilleert ende ghetraecteert hadde / ober ende weder / ende t'effect van
dese zaken volbracht ende ghetrossen zijnde/ den soeten Paps ghesloten ende
gheaccordeert / dirmen in veertich jaren int Land niet ghesmaect en hadde/
zo begonnen daghelijcx alle onde corruptien te versterken/elic een hadde vast
een goet betrouwen op de partij aen weder syden / ende begonnen te leven
als Republijcquen in liberte en vryheyt/hebbende onder malkander zonder
pretentie van permant/franc Gouvernement/liber en vry in conscientie ende
Politie meer als de Switsers ende Venetianen ende meer andere doen ; flo-
werende in haer administratie ende Gouvernemente / aldus den tijt passe-
rende / begonnen de Hollanders ende haer ghesfanceerde zeer hobaerdich/
opgeblasen / ende prachtich te werden / denckende alle voorspoet by haer
wijs heyt/kracht/ende vermist toe quam/ja zo zeer/datse haer nabueren mis-
prezen/ende vooz niet zo wijs/ kloech/ ende machtich en achten als sy/ja sy
nemen den Coninck van Enghelant zoude nauwelijcx goet ghenoech zijn/
om Matelot op hare schepen te wesen/ende den Coninc van Francrij nau-
welijcx goet ghenoech om Barbier oft Chirurghen binnen Amsterdam / zoo
was haer glorie gheslommen inde herenen / die haer wel haest in slaep
brachte/zonder te peynsen op toe komenden tijt/ die haer wel anders onber-
se is nakende was. O ongestadighe Fortuyne / O radt van avonturen/
de verbloemde Schalcken / ende ghedepnsde Spanglaerts die terwijle niet
en sliepen/deben nu meer intrakels / als opt syn leven onse liebe Vrouw van
Scherpen-heubel of van Halle ghedaen hadde/want den Kers hertoch nu in
syn meeste kracht ende dominatie zijnde / oock gheen vreesse hebbende van
permant ter werelt/ noch niemant op hem eenich quaet vermoeden ofte suspi-
tie hebbende/ zo wert sy meer bemint dan ghevreesst/ ende meer gheert dan
ghehaet/heest doen spuen tijt ende slach waer ghemomen ; want terwijle dat
de Muys wel vast in slaep lach/ende en sochtde gheen verjchel/zoo quam de
Cat haestelijck onversiens haer opt lijf gheballen/ ende benaudet Muysheit
zo zeer/ want de Spanglaerts(alsoo Treiteren) hebben haer van langer
hant al soetelijck inde wapenen begheben / op dat de Muys niet wacker
werden zoude / ende quamen haestelijck dooz Biscardien als eenen nehel ne-
derwaerts af tot in Hollant / daer choonden sy met gantscher kracht den
schoonen/vasten/beloofden/ende gheswooren Paps/ die sy vooz die van dese
Landen langhe gheconsijt ende ghehoockt hadden / ende den tijt nu gheex-
pireert om haer die te doen smaken. O onslapende Republijcquen wacker
ghemaeckt

ghemaccht zijnde/ stelden haer bysonelijc te staen inde weer/ om haer bi-
den te wederstaen zo sy best konden ofte mochten niet alle haer macht/ ma-
bevonden dat haer krachten te swaer waren / om zoo machighen partij
resistieren / hebben ter hulpe ghecroepen hare rauburghen Coninghen ende
Princen/ volghende d'assistentie die sy haer voorsz desen belooft hadden / ende
gaben haer te verstaen/ zoo sy overwonnen bleven/ dat hare hupfen dan oock
wel haest in brand zouden raken / al staense wat verre van hant : dus komt
en helpt ons zulck een tempeest wederstaen. Verstaet zoo quam den Coninc
van Byzantijck met gantscher macht descenderende niet louter ghewes-
met syn Fransosen door Vlaenderen ende Artops/ want hy zulcks tijt inge-
wel haest vernomen hadde / ende gheboorde dat het nu de rechte Dye was/
om hem te zoeken over den Spanglaert/ den Coninc van Enghelant quam
oock haestelijck sonder versupmen ter ander syde / ende arriveerde tot Wils-
singhe niet groter macht van volck van wapenen / daer hy blijdelijck ont-
fanghen was / ende is alsoo voorsz ende dieper int Lant ghetrokken / ver-
rijpende der Spanglaerden macht wt het Lant / den eenen Coninc aen
de een syde ende d'ander ter ander syde / in zulcker voeghen dat sy tegant
Lant hebben ghewonnen ende verlost vande Spanglaerden: ende de R-
blijquen begaben ende schupden ghewillichlijck onder haer bloghelen /
de Riecken onder de Sinne: komende in dier voeghen die twee machts
Coningen by malkanderen in Byzant; alwaer/ na datse de Spanglaert
verjaecht hadden/ deelden onder malkanderen niet groter eerverentie er-
debotie de goede yzope die sy tsamen veroverd hadden : zulcx dat den Con-
van Byzantijck behielt voorsz syn poztie als Successeur dat alder heplijck
Hertochdom van Byzant met Vlaenderen / Artops / ende de restere
verheerde Landen/ die den Spanglaert doen niet recht wel verbeurt ho-
ende aen d'ander syde behielt den Coninc van Enghelant voorsz syn pa-
de schoone Vrijste ende Republique Provincien : zijnde elck een we-
den/ende niet minne gheschieden. Dus eyndichde dese Comedie/ er-
ginc syns weechs/ behoudende vele lieden dat in haer memorie,

Onsen Godt werckt wonder-
lijck met syn heylighen.



pa
tie
ende
ende
roch
ont
nne
wef
ing
las/
nam
dus
ont
ber
at
f

e
r
u
l